





自序

余暮年抱病幾絕復甦竊取更生之義用以自號養疴涉園疎倦人事時有良朋惠顧杯茗清談或獨坐展卷閒消白晝見聞所得輒志簡端聊備遺心積久成帙回憶昔年遊蜀事有可採者亦並附於後爰付棗梨以供同志一噓甦叟

陸錦

積學齋徐乃昌感書





甦叟養疴閒記目錄

卷一

採霞外雜組良方及養生要語

道家脩煉

邵康節

尤西堂雜說

茶

習宮詹

繆編脩

顧祿百



俞賦拙

迎 駕門聯

王阮亭

格言

沈石田題照

周觀察小照

王岡齡題照

錢牧齋杖銘

無名氏杖銘

又

文含鹿頭杖銘

沈景運浮春硯詩引

沈毅齋硯銘

二芝亭硯銘

龍鳳集天池硯銘

蟠桃硯銘

顧仲呂琢硯

顧霽吉硯銘

樂善堂集中雪事八詠

幻景四詠



擬似幻景數種

小學紺珠

默默和尚

黎致遠

舒大成

黃琳

徐葆光

徐立齋祈夢

宋堅齋祈夢

劉彭澤祈夢

周蓉湖祈夢

邵松野子中式

陳二知迷夢

子婿朱蓮塘

昔予守漢嘉

予于乙亥冬至

錢阿瑛

沈歸愚加尚書銜

繆宮洗七十壽序

千叟宴詩



二棄草堂讌集

再越古稀

百歲加銜

九老圖

五同會圖

雪灘濯足圖

簪花圖

黃尊古墓碑

題湯式九畫像

寄張墨岑詩

徐拙存

鐵蘭書屋

張宗蒼吳山十六景

八美圖

美人八詠

汪謹堂小楷孝經

萬年橋記略

府志胥門橋

布衣二老友

韓庶常述郡中相識老人



同居旌獎

百歲坊

沈歸愚宗伯

本朝百餘年來

甦叟養疴閒記目錄

卷二

堯元載

歷代三元

月正建寅

脩正歷法

元至正甲午歲

明萬曆甲午歲

霽

時



九

年號

太平季號

晉省鼓鑄

白銅礦

銅鑛

糧漕

運京漕糧

通計漕糧之艘

斛石

尺寸

跬步

天平

秤

進士科

殿試

瓊林宴

狀元之名

狀元建坊

秀才



館選錄序

本朝鼎甲

歷科會元

江南歷科解元

狀元坊

蘇郡大魁

蘓郡解元

吾郡長庠東偏

會狀連元

同懷同榜

父子同科

三代同科

同胞解元

五子登科

五子登甲

兄弟同甲

祖孫父子姪兄弟科甲

五代科甲

同胞三鼎甲

同懷鼎甲



父子鼎甲

父子宰相

祖孫會元

兄弟狀元

叔姪鼎甲

姊姪中堂

叔姪狀元

翁婿鼎甲

翁婿狀元

翁婿中堂

一榜三狀元

福建李鹿山

益都趙秋谷

北平黃崑圃

建立書院

龍板

圪泊

濊布

妝奩

孤負



木秣

騾

驢

畜之去勢

獅吼

鴉鵲

鷓鴣鼠姑

無鬚告助

歌後詩

虞東臯教諭

贄儀八中

楊朝麟批呈

蔡廷彥書升

管夫人

一國吝

開元寺佛盃詩

香雪海

司徒廟前古柏

馬邱玉蘭

雪蕉



四面松

陳墓

冬至賀節

陸墓枯柏重青

甦叟養疴閒記目錄

卷三

避暑

盤山行宮諸滕

宋文恪

孫大司成 賜第

尤侍講亦園

韓慕廬師第

吾吳沈宗伯

沈宗伯第



沈尚書故居

彭少司馬

網師小築

詩國老人

掃葉莊

文待詔祠

盤溪艸堂

既濟鯖

食肉贊

謝綽

諺有云

方輿勝覽

合歡桌

督撫陳公風俗條約

湯文正公題毀淫祠疏

陳大中丞奏毀治平寺僧房疏

送春會

予歸田後築小園

消夏圖記

築室種樹圖



甦叟養疴閒記目錄

卷四

己酉春

篋索橋

天生橋

川西

入川

裏塘

達賴喇嘛廟

劔閣



千佛崖

建昌温泉

凌雲山寺

丁東院

晒經石

老人峰

青羊宮

諸葛鼓

杜少陵石像

杜工部東屯故居

張桓侯墓

周將軍

三蘇世居

劍州

抄板

荔枝樹

黎州

放光岩

紋石

龍潭溝



公母石

石燕

成都正月

萬縣蘭

歲朝蘭

太平花

海棠

紅梔子

年景花

素馨花

茂州牡丹

賽蘭香

酴醾花

海棠香

瘦木

相思木

楠木

川槿皮

冬虫夏草

蛤蚧



黃連雞

蠟虫

西藏

鹽井

火井

油井

火浣布

燹金

瓜子金

貝母

獾

催生

雞縱

茂州果品

成都西瓜

墨魚

鱖魚

竹鼯

邛海

黃連



梓潼縣

沙鵝

槁礮

口外蠻人

鹽石

七字

牛皮船

渝酒

夔麵

蜀田

張獻忠

香頭畫

指頭畫

李梅賓

周編脩



甦叟養病閒記卷一

長洲陸錦 閻亭 甦叟

採霞外雜組良方及養生要語

快活無憂散

除煩惱 斷妄想

右二味用清靜湯調服自是人間一種妙藥日服一劑勝服四君子湯百劑也久之覺神氣清爽天君泰然自無煩惱自無妄想

和氣湯



忍字一箇

忘字一個

右二味隨其所遇用不語唾送下先之以  
忍可免一朝之忿也繼之以忘可無終身  
之憾也此方專治一切客氣怒氣怨氣抑  
鬱不平之氣

萬事隨緣即是安樂法

心牽於事火動於中

有動於中必搖其精

精氣神為內三寶耳目口為外三寶常使內  
三寶不逐物而流外三寶不誘中而擾

呼吸要綿繇深入丹田

母勞汝形母搖汝精母使汝思慮營營寡思  
慮以養神寡嗜慾以養精寡言語以養氣  
久視傷心損血久坐傷脾損肉久立傷腎損  
骨久卧傷肺損氣久行傷肝損筋  
坐處不可太明太明則傷魂不可太暗太暗  
則傷魄尤忌濕氣賊風

心有所愛不可深愛心有所憎不可深憎  
軟蒸飯爛煮肉少飲酒獨自宿此養生之妙  
法也



道家脩煉惟坐功之心可以却病延年蓋人一身惟精氣神眼者神之牖鼻者氣之戶尾閭者精之路人多視則神耗多息則氣虛多嗜慾則精竭故須閉目以養神調息以養氣堅閉下元以養精精充則氣裕氣裕則神完是謂道家三寶見良齋雜說

卻康節會有四不赴謂官府公會不相識會大眾廣會勸酒醉會又有四不出謂大寒大暑大雨大風有五樂樂生中國樂為男子樂為士人樂見太平樂聞道義有五喜喜見善人

喜見好事喜見美物喜見嘉景喜見大禮有四幸謂幸長年為壽域幸豐年為樂國幸清閒為福德幸安康為福力有三惑年老不歇為一惑安而不樂為二惑閒而不清為三惑尤西堂雜說內載里中盛秀才四十無子遇異人傳授宜男神術連舉六雄無一雌者又皆不出痘子異而問之今錄其方云日用其雄如甲日經淨則乙日為雄丙日為雌時宜子者一元迭運之始更者天地向明之始如戌如亥則餘氣矣至小晦朔弦望二分二至甲



子甲寅庚申五月四九毒日皆不可用他如  
日月薄蝕火風雷雨晦冥之日及神祠井竈  
棺厠之所咸在所忌最宜者天清月白風和  
之夜春木旺夏火旺秋金旺冬水旺四季土  
旺之日與室參井鬼柳張房心之宿為父者  
尤宜豐其種於將播之時且歛其種於既播  
之後未得孕厚積而有待也既得孕勿搖而  
勿污也為母者宜有胎教有胎養言行坐立  
必正飲食視聽必正勿見凶服凶人與五官  
不正廢疾等輩胎教也勿飽勿飢勿冷勿熱

勿久坐立勿久行卧勿久勞動勿負重登高  
勿苦心鬱氣啼泣勿曲身傷胸勿食積滯不  
化之物胎養也

茶令人爽花令人韵香令人雅琴令人幽酒令  
人豪棋令人籌石令人重美人令人憐松竹  
令人清貞梅令人秀勁蘭桂令人芬芳水仙  
令人脩潔蒲團令人靜雲霞令人曠遠月令  
人孤高風令人疏暢雪令人瀏亮雨令人灑  
落冰霜令人嚴冷石鏡令人開朗寶劍令人  
悲壯美玉令人溫潤而栗禽魚令人活潑入



定老衲令人冲恬心山大川令人廣大名人  
書畫令人心目醒然蒼翠舊鼎彝令人度越  
輓近而想見漢唐已上圖書千萬卷令人不  
出戶而周知宇內洞曉古今事變右語已有  
創言之者而未詳未確偶閒窗無事不揣以  
臆見補訂之究竟未為詳確姑漫存之以俟  
大方裁定崇禎辛巳暢月凌漢翀時年八十  
二齡

習宮詹寓齋中本朱文公語為對深源定是閒  
中得妙用原從樂處生

繆編脩笠湖日苞書室匾對

得春庭 沈慰祖書

讀孝經一卷

書忍字百餘 武子吾友 良常王澍

適適齋 笠湖自題 良常虞景星書

當中和天同樂易友

吟自在詩飲歡喜酒

武子老賢婿屬書邵子句 晴邨圖炳

一生三事一事收心一事慎行一事守口

一日三分一分靜坐一分應務一分讀書



武子館丈

瑯琊王澍書

顧太學祿百張檢討大受匠門先生之外孫工  
古文詞居花橋巷自號花橋有抱膝軒軒內  
對句

無求自覺人情厚

克己方知世路寬

詒祿自題

清機杼妙理

令德唱高言

花橋長兄

沈德潛

俞賦拙來求庶常書室對句

學泥塑人端坐

用磨兜堅謹言

全鄉全學今年弟邵泰

乾隆丁丑南巡迎

駕門聯

大菩薩一塵不染

聖天子萬壽無疆

王阮亭先生香祖筆記一則云余家自高曾祖  
父已來各房正廳皆置兩素屏一書心相三  
十六善一書陽宅三十六祥所以垂家訓示  
子孫也又各房正廳一聯

紹祖宗一脈真傳克勤克儉



教子孫兩行正路 惟讀惟耕

格言對句

退一步天空地濶

耐三分浪靜風恬

求足幾時足知足自足

待閒何日閒得閒且閒

沈石田自題其照曰我問你是誰原來你是我  
我本不認你你乃却認我我少你不得你倒  
少得我再隔幾年來有你沒了我

周觀察廷燮扇頭小照未能酷肖因自集四書

句嘲之曰子為誰非我也或曰似也觀其色  
愉愉如也顧左右白鳥鶴鶴原泉混混與木  
石居不知老之將至樂其樂豈不綽綽然有  
餘裕哉莞爾而笑曰有是哉乃若其情舍我  
其誰也某在斯某在斯

王貢士廷魁 岡齋自題小照曰世間萬事總成  
塵潦倒儒冠歷幾春天地棲遲原逆旅山林  
澹蕩屬閒人畫家自信迂成癖詩老從知懶  
是真他日歸來丁令鶴披圖還許認前身  
其跋語云此照寫于乙亥越明年丙子自為



補景迄今丁丑轉瞬三年形神已非所謂寫  
真之說其義何居以是知一身而外又何事  
可為真也思之不覺莞然 和詩者為沈大  
宗伯翹愚彭少司馬芝庭鄭廷暘迂谷諸人  
寫照者為太倉張元俊補泉石者其牀王存  
素雲鶴松柏則主人自寫之

錢牧齋杖銘用之則行舍之則藏惟我與爾危  
而不持顛而不扶將焉用彼

無名氏杖銘以引以翼壽考維祺  
又無名氏題杖四字引入入勝

文待詔裔孫文含雲岑鹿頭杖銘鹿斯之奔用  
之者舒吾老矣足將進而趨趨輔之翼之安  
步以當車

沈文學景運潤霑浮春硯詩引曰近購一古硯  
上鐫水浪梅花硯陰有仲山二字乃明王僉  
憲問收藏宋硯也野鴻師名以浮春并題草  
閣曰浮春閣喜而賦此 和者黃子雲野鴻

蕭翀青陽顧文炯蘭臯韓騏補瓢

沈編脩志祖毅齋硯銘有敦樸理無斧鑿痕內  
含溫潤發天地之玉文



芝亭藏硯銘與君父最久助我擘窠書是我  
生平之益友

龍鳳集天池硯予遊玉峰宿東南門外見邨店  
中以此石壓酒瓶拂而視之質極細潤有紋  
如虹霓天然秀麗遂攜以歸命顧子仲呂琢  
為斯硯無意得之喜不自勝丁卯春日志祖  
記銘曰既宜墨又不費筆二德克兼文苑之  
寶也籛雲居士題又陳文學球題雲霞之采  
龍鳳姿校書東觀暉青藜

蟠桃硯銘維彼桃兮既堅且實流膏潤液與墨  
為漬獻自東方先生將以斯文垂世壽同茲  
石乾隆丙寅小春志祖記

顧子仲呂為子琢硯數十方皆古雅絕倫此其  
母夫人袁氏所製也藏之四十餘年矣一女  
子藝神至此洵可寶哉仲呂能紹箕裘亦為  
一時名手於以知其家傳有自爾志祖記  
儀徵學博長洲顧藹吉天山自題硯銘是維顧  
子之良田不稼不穡坐致乎豐年

樂善堂集中有雪事八詠

東郭履雪 蘇卿齧雪 袁安卧雪



謝庭咏雪 王恭沙雪 孫康映雪

陶穀烹雪 淫門立雪

又有幻景四詠 鏡馬 鏡花 水月 蟬猴

擬似幻景數種 鰲鶴 桐燕 蓮蓬老人

艾帛 梭魚 榆錢 螢燈 荷珠 燈花

小學紺珠云康節先生四無妄吟耳無妄聽目  
無妄顧口無妄言心無妄慮

金陵永濟寺興洞和尚年五十餘始出家號默  
默乾隆二十二年季一百五歲 翠華重幸

賜詩云不會詩文不解禪果然默默以全天

半生塵世半生佛得號山僧得號仙沈尚書  
歸愚云二十年前登燕子磯默默和尚索對  
爰書問年但指堦前樹學道惟叅不語禪一  
聯應之

大理卿福建黎致遠生時其父年近八十矣翁  
本多子有友推其命謂當納妾翁以為戲繼  
思友固端人言必有意遂納妾生致遠已而  
三年內前子漸沒獨留致遠年十八連中鄉  
會入詞垣晉大理卿主己酉江南試翁親得  
見此人間暮景異事邵孝廉灑夫說



八興舒檢討大成年十三赴通州試過觀察胡公仁治胡公方為子辦裝見舒韶秀命與子同載就試遂遊庠留諸家塾欲以姪女妻之諸兄弟或難之公曰此非長貧賤者佳壻難得遂許之延名師督課辛卯壬辰遂連捷入翰林乙未分校會試夫人適年二十白頭門生列拜階下都人士以為榮門生吉士江濟裘璉皆年近八十

宛平黃崑圃琳前生困於場屋士也公以康熙壬子年生先是有老儒以屢試不中投水

死公父買地埋之及公母有娠將誕公父坐堂上忽見一書生攜考筐入內怪而覓之不得即生公年十九庚午辛未連捷 廷試中探花歷任顯要獎進後學暮年致仕家居猶見乾隆辛未進士八十餘而終

蘇州徐探花葆光壬辰下第 特賜進士殿試一甲同鄉惠學士士奇夢壬辰會試榜發怪無徐名旁一吏指榜上一花曰此即徐也又江浦劉編脩巖辛卯元旦夢至一所扁云石鼎繫長條公不解旁語之曰此指徐某也易



條一筆即徐耳此功名中竒蹟

崑山徐相國立齋元又在韋蘇州祠祈夢問功名夢神告曰功名在汝妻手中及歸告湯夫人時夫人尚卧未起應曰昨宵偶以瓜子排四字於案上視之乃狀元宰相也後果驗  
宋少司馬堅齋駿業為翰林院待詔時同高槎客不騫祈夢於呂祖廟槎客夢呂祖語之曰汝功名問同寢之兵部侍郎而堅齋無夢不久槎客即接任為待詔堅齋歷官至兵部侍郎槎客親見其暴病而終

叅政劉彭澤曉未遇時落拓武林徘徊湖上嘗祈夢於于少保祠少保拱手者再以米一勺置諸掌中醒來大慟以為他日必乞食也後赴廣西傳將軍軍前招撫有功議叙授浙江糧道始悟拱手者少保錢塘人敬公祖也以米置掌中者掌糧儲也

周少司空蓉湖青原未遇時祈夢於于忠肅公祠公延之上坐禮甚恭謂曰你的事在我我的事在你己未召試博學鴻詞授檢討纂脩明史後督學浙江詢忠肅公祠既悟優禮之



不謬而明史于公傳實出少司空手筆也

邵掌科松野錦濤吳郡人寄籍大興子一聯年十五乾隆六年辛酉科家居不應試時有吳掌科元安之戚入都赴試途中夜夢天榜內有邵一聯姓名至京為吳述所夢吳以告邵邵云期近路遠恐不及矣適有緊報往江南即附書促其子入都應試是科果中式則是鄉會真有天榜也凡求名者可俟命而戒徼倖矣邵掌科嫡孫孝廉灑夫親為予言

陳明府二知堯叟云雍正壬子館虞山蔣太僕

漣家七夕有蔣之戚孫姓者館於張家墅歸述其夢於太僕云七月初一夜夢至郡廟神授以一冊一圖章堂上呼冊中人姓名而令予以圖章印其上墅中親識列名者有三四人方駭異忽聞堂上呵其名欲叩所以又聞堂上呼作弊呈冊而寤黎明疑懼以夢告主人將來張家墅必有大故堅辭不往七月十四日海潮汎溢張家墅水三尺許主人家墻室倒塌冊中有名者咸遭水厄知其事者無不駭愕孫方自幸至中秋夜從友人處買月



醉歸失足墮望仙橋水中死劫數難逃信哉  
予婿朱蓮塘光發辛未進士官禮部祠祭司主  
事假歸挈眷赴都行有日矣僕從中有一婦  
忽夢身在舟中推窗洗滌墮水即驚寤疑其  
不詳堅辭主人另僱一婦隨去舟至青江浦  
其婦在舟尾滌溺器墮水而死一如前婦之  
夢夫溺水殞身命也乃驗於此忽夢於彼豈  
死可代乎數可逃乎殊不可解

昔予守漢嘉兼護建昌道篆并攝富順縣事至  
縣治案牘繁多刻無寧晷忽於清夜夢中得

一聯云一木支金谷小橋對吾廬初不解其  
故由今思之丙寅春新構涉園築室種樹適  
甬邱園明菴有髮塔檜移植園中改名塔影  
檜即一木支金谷意乎下聯即家居為橋以  
通涉園是也若以一木兩字合之則未字殆  
數在未年當就木耶姑書之以俟將來或以  
支字有十又之義當在七十八歲之未年未  
月則又假我數年矣己巳七月廿九日燈下  
記時年六十有四

於乙亥冬至前一日清晨未起似夢非夢間



烏有先生憑空而來訪子虛了於想當然處  
手持書一套曰百斛珠啓視則一空匣面寫  
不字書三字叩之乃曰無事為福言訖飄然  
而逝

吾蘇錢待詔阿瑛康熙乙酉召試由舉人為翰  
林院待詔乾隆庚午年已百歲矣攜十齡幼  
子在其婿湖廣安陸府知府張世芳署吳江  
李編修玉洲重華親見之云翁有二十子分  
居三省

吾鄉沈歸愚德潛以禮部右侍郎致仕乾隆十

六年 聖駕南巡 恩賜在籍食俸至二十

二年季八十五歲恭值 翠華重幸接 駕

淮浦 上諭禮部侍郎沈德潛致仕歸田年  
逾八十實為蓬瀛人瑞今來接駕着加恩給  
與禮部尚書銜以示優念老臣之意

繆宮洗日藻七十壽屏列高壽公卿姓氏

海陽年姪劉起振時年一百有三

表姪韓孝基時年八十有八

毘陵須洲時年八十有七

母舅顧祖鎮時年八十有六



館侍葉長揚時年八十有五  
受紫何名世時年八十有四

廣川年弟魏廷珎皆年八十有三  
世侍生婁東王暮時年八十有二

淳安方縻如時年八十有一

北平黃琳皆年八十

琴川年弟蔣漣時年八十

年姪沈德潛時年七十有九

康熙六十一年再壬寅 聖壽六十有九賜宴  
羣臣尚齒不序爵 諸皇子捧盃大小臣工

咸賦詩以獻共得四卷名千叟宴詩其二卷  
末首有千叟合齡八萬歲大椿分占五春秋  
句誠 本朝之盛典也

沈宗伯二棄草堂讌集序略云丁卯正月德潛  
值乞假歸里越五日拜橫山葉先生神位於  
二棄草堂先生故栖息地也時先生辭世四  
十五年門下士存者九人咸在列葉太史長  
揚年八十一顧處士嘉譽年七十九張處士  
銖年七十六德潛年七十五謝徵士淞洲年  
七十一並年六十九者沈徵士巖李徵士果



年六十七者為薛徵士雪周太學之奇年最  
少亦六十五而先生孫啟祥年七十一十人  
共七百二十有三稱盛事焉

湖北江夏縣民湯雲山乾隆十一年季一百四  
十一歲湖撫具疏請賜加賞禮部議覆湯雲  
山七十古稀今經兩度百年上壽又邁四旬  
應准其按算加賞以昭寵賚得 旨允行再  
恩賜匾額以旌人瑞今漢口對江江干有再  
閱古稀石坊為一百四十一歲老人湯雲山  
立

廣東海陽劉起振年八十七中雍正十三年乙  
卯科舉人八十八歲中乾隆元年丙辰科進  
士館選即授職檢討回籍戊辰年壽登百歲

又加 恩給與侍講職銜

扇頭九老圖一人朱履騎鹿童子挈棕瓶中靈  
芝隨後一人身倚鶴背仰觀一白鶴自空下  
一人坐坡陀攤書睜目注視一人以消息取  
取一人對棋枰作模擬下子狀一人啜茗旁  
列飲具童子執壺立後一童子扇爐火煎茶  
一人俯就池水盥手童子執袂立一人自以



爬搔背一人趺坐石坡俯仰自如若夫蒼松翠柏茅亭脩竹點綴都妙密菴自題云九老各極其趣合而成遠老之趣筆墨之外別有化工其殆古仙之流乎又墻東徐樹玉題云八十三歲人而作九老圖能曲盡其致余不識遠遽然殆亦異人也畫者為遠遽然丁巳歲年八十有三文中先生屬寫七十九叟陳嘉言為文老世翁補松九十三叟張時芳補亭石八十四叟李敬仙補竹七十四叟錢嘉補芝坡八十六歲沈元箕補古柏閱者為沈

元符年八十有九徐復年七十有一後金露題文翁先生扇頭九老圖展玩數過幾欲奪之以義自止時年七十有八

明弘正間吳公原博王公濟之李公世賢陳公玉汝吳公禹疇以同時同郡同朝同道同志公暇會聚名五同會並繪為圖繪者為越人丁綵予得其一繆宮洗曰藻跋於後云閩亭太守得五同會圖一卷示予與予家所藏卷叙次位置都相似太原王氏亦有一卷子數年前曾見之想爾時五人者各圖一卷藏於



家以誌燕樂垂奕禩鳴太平之盛予已見三  
卷不知彼二卷流落何所也予卷有吳文定  
手書序一篇閣亭屬予補書因識數語於後  
吳江顧茂倫自號雪灘釣叟同邑如史沈關闕  
為繡雪灘濯足圖題者萊陽姜如須先生尤  
西堂太史朱竹垞編脩陳其年檢討四十餘  
人今藏郡中好事家

繡谷主人蔣樹存深居閭門之桃花塢有繡谷  
蘇齋交翠堂諸勝未仕時好為文酒之讌有  
張憶娘者善諧謔與諸名士狎每讌集張必

在座虞山楊子鶴為寫簪花圖前輩如尤西  
堂姜學在皆有詩宋太史葑洲書一絕於葑  
之右偏其他清詞麗句不可枚舉一時羣賢  
風流逸宕幾與玉山雅集相埒主人裝成橫  
卷汪太史退谷題卷中入三字於卷首書甫  
畢汪殿撰東山適至退谷掩而詢所題當作  
何語東山云得非卷中入乎披覽果如所云  
座客為之絕倒主人物故似君蟠猗珍藏此  
卷忽為人竊去逾二年蟠猗與杭州黃松石  
談及黃云曾見之維揚程勁室齋頭程善書



頗喜汪退谷何義門諸先生垂蹟蟠猗果以  
兩先生字册易歸大是奇事今復加裝潢補  
題蔣太史西原跋中有云記六七歲時張嘗  
宿於家曉起抱置膝上為挽髻亦佳話也

沈宗伯誌黃尊古墓碑云當代以畫名者五人  
武進得惲壽平格太倉得吳漁山歷王巖臺  
原初常熟得王石谷暈最後得吾友黃尊古  
鼎尊古號曠亭又號獨往客晚又號淨垢老  
人世居常熟之唐墅鎮年七十有一

又題湯式九画像有句云中年作畫窮物態花

竹翎毛壓儕輩生動還令西爽驚童西爽雲間人蕭疎

欲接南田派惲南田昆陵人權門屏障苦難求貪士綃

縑不辭繪從此得名四十年年光冉冉近華  
顛

又寄張墨岑詩有畫師常得壽大藥不須尋句  
註云米庠兒八十餘黃子久九十餘沈石田  
八十餘文衡山九十近人吳漁山王石谷皆  
八十餘得畫中雲煙供奉也時墨岑病初起  
故及之

玉峰徐拙存德泰為易州刺史云餘之暇畫花



果一冊其兄二磯山人德宗題其冊曰拙存  
弟工繪事人物直逼唐子畏花卉頡頏南田  
已入窠與不獨在皮肉間也壽良画史田子  
相亦跋於後云年來獲侍使君嘗見案牘之  
餘渲染翎毛花卉直臻神品從此小巫氣索  
安敢抱布鼓而過雷門也耶

劉侍御山祝嵩齡遊都門報國寺見小幅蘭花  
數莖旁壘石如畫睇視皆以鐵錘鍊為之極  
奇絕買歸懸之齋中即題其齋曰鐵蘭書屋  
良常王吏部虛舟有詩張印江堅孟齋頭有

鐵蘭銘作蘭者蕪湖湯天池山水松竹花鳥  
皆能為之

吳人張宗蒼字墨岑工繪事乾隆十六年南  
巡以吳山十六景畫冊進呈每一幅御  
題詩一首萬笏朝天 寒山曉鐘 支硎  
翠岫 千尺飛泉 法螺曲徑 華山鳥道  
天池石壁 石湖霽景 靈巖積翠 海  
湧一峰 鄧尉香雪 光福山橋 穹窿仙  
觀 包山奇石 莫釐縹緲 蘇臺春景  
文端文白描八美图 西施戲水 文君琴心



昭君琵琶 飛燕嬉舞 碧玉留詩 梅妃

嗅香 太真玉環 薛濤戲箋

回文續編十卷有美人八詠 麗華髮 文君

睂 雙文目 樊素口 西子臂 太真乳

小蠻腰 潘妃步

汪謹堂先生小楷孝經本後書乾隆戊午小暑

汪由敦書 晉江孝子龔渭臣先生第七子

恪中吾友蠲吉金選樂石與蔣蟠猗居士精

開是經於廣仁義學藏書之所好古敏求因

心錫類於是乎見雋吳邵泰記 吾師文章

政事根柢六經尤以孝經為學者立身敦行  
之本每於講座間諄諄訓勉令佩勿忘孔子  
云行在孝經良有以也適從黃君松石處得  
見手錄小楷全冊筆法端嚴結體遒勁正柳  
誠懸所謂心正則筆正者洵為後進楷模因  
與龔君秋埜蔣君盤猗謀勒諸石以置義學  
并記數語於後乾隆歲次丁卯春三月朔受  
業沈志祖敬跋 大司寇謹堂汪公小楷孝  
經乾隆丁卯春武林黃君松石攜示是書乃  
孔曾授受要旨為羣經之冠循覽莊誦有懷



二人因請邵沈兩太史書後將君盤狗篆額以壽諸石庶竊附乎子與子言孝之義不惟字畫端莊足使學者心正也晉江後學龔季肅敬識

胥門外萬年橋成大中丞東海徐公士林記略吳郡環城皆巨津其居民商賈四方冠蓋輪蹄絡織往來問渡者日以萬數待舟以濟則苦雜還有風濤之虞而舟人又善持緩急故往往為行者病城之方隅六橋其五獨缺於胥門考於志詢於衆橋之有無興廢多傳疑

或曰前朝有巨板橋毀且久民畏役重弗克舉或曰操渡者陰持之故謬為形家者言謂不利於士大夫以相煽動一不察而羣信之以沿以襲以至於今究其說則以岸崿山勢狃獍多煞氣幸水為之畫橋則煞直引入城為諸不祥噫亦惑矣夫事非排衆特立不足以斷始非輯衆合志不足以昇艱非博謀廣議知人而能任不足以有功橋之役肇於前制府那公蘇圖郝公玉麟偕前撫軍張公渠入告事始定時予方司藩政交贊其議未幾



汪守德馨來郡首倡勸捐輸首接踵遂於夏四月朔二日鳩工乾隆五年仲冬朔長至前之二日龍口合又二日而行人通橋乃成萬衆歡騰請名曰萬年橋今布政司安君寧核實其牘允其請橋長三十二丈五尺有奇廣二丈四尺高三丈四尺有四寸計費一萬六千餘金役鉅而竣速其士民之好義而勇於集事有如此然則前此之不徒為畏重役而不舉亦可見矣汪守請予記予嘉其事之有成而樂為之書也並將以告後來云

乾隆十三年新脩蘇州府志云按吳郡志盧志皆有胥門橋姑蘇志謂即懷胥橋近志又以今日暉橋為舊懷胥疑皆未足據俗傳故橋今宜柄國時吳中大吏撤以媚之考嵩所作分宜萬年橋記述採石之役山伐舟運積以歲月果移胥之橋何待累年且楊循吉圭普二涇通水建橋記云弘治辛酉胥門浮橋興爾時嵩尚未有勢故橋當無恙何以興浮橋也意者亦如圖經續記之云其多塗則艱於守衛譏禁故橋之興廢不常歟



布衣李容山果工古文詩章家貧矯然自好不  
苟取予曾刻其在庭業稿行世 又布衣趙  
飲谷亦工詩此二人皆吾友中之老而不遇  
者

乾隆辛未正月三日國老庚辰庶常韓東籬孝  
基過予涉園因述郡中相識老人年八十歲  
以上者王明府用脩八十虞進士東臯八十  
二趙山人飲谷八十三葉太史定湖八十五  
顧少司空芝庭八十六東籬八十八夏廣文  
性天九十二畫史馬雲上九十八谷老人亦

九十八

乾隆二十四年四月禮部為懇請 旌獎以維

風化事內引乾隆十八年八月福撫陳弘謀  
奏漳州府學貢生陳茂椿六世同居照例

旌表給銀建坊今乾州民甯爾強家承八葉  
姓衍百丁睦親敦本堪希前拍應照例給銀  
三十兩聽本家自行建坊其忠義孝悌祠內  
題碑之處遵奉 恩詔施行奉 旨陝西巡  
撫鐘音題乾州民甯爾強一家雍睦八世同  
居應如所請照例旌獎民風淳厚倫紀懋敦



朕用嘉慰宜推旌淑之恩益廣型仁之化茲  
親製詩一章並書匾額以賜仍着加賞上用  
緞匹以示優異其給銀建坊題碑入祠之處  
均如議行

欽旌吳縣壽民金旭陽百歲坊

金旭陽生於順治十四年丁酉乾隆二十  
二年丁丑年一百一歲春二月恭值

翠華重幸跪迎道左蒙

恩賞賚荷包銀牌緞二匹銀十兩冬十月各憲  
欽奉

特恩寵錫昇平人瑞四字給帑建坊乾隆二十  
三年歲次戊寅年百有二歲秋九月穀旦  
建造於蘇郡之胥關

坊柱對句

天心默眷大年齊泰地河山  
皇極用敷景福錫吳門壽考

禮部尚書在籍食俸沈德潛題

年八十有六

沈歸愚宗伯 予告旋里 御詩寵錫疊荷

殊恩海內賢士大夫皆以詩歌其事有歸田  
集行世不及脩載其門人王廷魁亦詠二詩



語無泛設附錄於左 欽承掾教侍青宮

天許投簪錫予隆領袖蓬瀛偏退讓主持風

雅轉謙冲有額及蓬瀛人瑞之勅雅扁情依禁苑

觚稜側身在吳山煙月中一似鑑湖歸隱後

家家團扇畫詩翁 雨屐霜蓬到處留赤

城黃海試遨遊春卿秩領儀曹肅清俸 恩

須族黨調晉秩尚書在籍食俸天澤山長宗風傳

鹿洞詩篇 御序重天球掌教紫陽書院有御賜白鹿遺規

扁額又愚詩鈔御序先生依舊安儒素布襪青鞵

狎野鷗

本朝百餘年來宰相生我蘇者四人順治乙未

宋德宜右之長洲人順治己亥徐元文公肅崑山人康

熙癸未蔣廷錫揚孫常雍正庚戌蔣溥質夫常熟人

尚書八人順治己亥葉方藹子吉崑山人康

熙丁未吳一蜚翼生長洲康熙庚戌徐乾學

原一崑山人康熙癸丑韓茨元少長洲康熙丙

辰翁升元寶林常熟康熙丙戌吳士玉荆山

禮部康熙庚子歸宣光吧懷常熟乾隆己未

沈德潛確士長洲繼此人文蔚起未可量也







